

青州府志卷三十四

傳一之一

名宦傳一

詩曰鼓鐘于宮聲聞于外又曰鶴鳴于九皋聲聞于天韓詩外傳取以明學問之意古之良吏何獨不然夫風草之偃斯民直道之行古之人可操券而得爾然女無美惡入宮見妬士無賢不肖入朝見嫉卽墨大夫之治民而左右毀之賴齊威王之明察其誣也乃以得封魏田豫以汝南太守督兵青州刺史程喜忌而譖之魏文弗察而豫功卒不見列君臣之際君子蓋難言之是故子賤求書象魏以

青州府志卷三十四

一

示諷樗里子盟息壤而後行有旨也夫今觀青州名宦之傳刺史太守爲多令丞而下蓋寡豈皆材知之弗若歟抑以德惠之布假事權而後行歟周秦以上無論矣漢魏以來於宋爲盛平陽侯避正位以下賢而齊以安富文忠之大哺民飢歐陽公之擅止青苗此非夙負朝望爲天下引重者未易幾也金元之際耕戰並作與前後五代無異奚暇究吏治也有明以來紀述漸詳至我

朝而大盛海甯俞岱禎以松江府同知用朱文端公薦知青州以戇直忤上官爲

世宗皇帝所特簡仕至少宰郡人至今豔稱之視古循良

何多讓焉雖然窮達命也得失時也名者實之賓也君子亦務其實而已矣載筆之士每用至此低徊而不能已也舊志所載今有改入雜傳雜記或竟不錄者皆有說其增入者皆於古有徵無徵者甯闕無濫也斷自漢始用山東通志例也

漢

曹參沛人也高帝以長子肥爲齊王而以參爲齊相國孝惠帝元年爲齊丞相參盡召長老諸生問所以安集百姓如齊故俗諸儒以百數言人人殊參未知所定聞膠西有蓋公善治黃老言使人厚幣請之既見蓋公蓋公爲言治

青州府志卷三十四

二

道貴清靜而民自定推此類具言之參於是避正堂舍蓋公焉其治要用黃老術故相齊九年齊國安集大稱賢相惠帝二年參去屬其後相曰以齊獄市爲寄慎勿擾也後相曰治無大於此者乎參曰不然夫獄市者所以並容也今君擾之姦人安所容乎吾是以先之

史記曹相國世家

召平齊相高后崩諸呂欲爲亂朱虛侯章知其謀乃使人陰出告其兄齊王欲令發兵西以誅諸呂因立齊王爲帝齊王陰謀發兵平聞之乃發卒衛王宮魏勃給平曰王欲發兵非有漢虎符驗也而相君圍王固善勃請爲君將兵衛衛王平信之乃使魏勃將兵圍王宮勃既將兵使圍相

府平自殺

史記齊悼惠王世家

路中大夫或以爲名印齊人孝景三年吳楚反膠東膠西菑川濟南皆發兵應吳楚欲與齊齊孝王狐疑城守不聽三國兵共圍齊齊王使路中大夫告於天子天子復令路中大夫還告齊王善堅守吾兵今破吳楚矣路中大夫至三國兵圍臨菑數重無從入三國將劫與路中大夫盟曰若反言漢已破矣齊趨下三國不且見屠路中大夫既許之至城下望見齊王曰漢已發兵百萬使太尉周亞夫擊破吳楚方引兵救齊齊必堅守無下齊初圍急陰與三國通謀約未定會聞路中大夫從漢來喜及其大臣乃復勸

青州府志卷三十四

三

王無下三國居無何漢擊破三國兵解齊圍

史記齊悼惠王世家

石慶趙人萬石君奮少子萬石君家以孝謹聞乎郡國慶爲齊相舉齊國皆慕其家行不言而齊國大治爲立石相

祠

史記附萬石君傳

式河南人也拜爲齊王太傅轉爲相會呂嘉反式上書曰臣聞主媿臣死羣臣宜盡死節其驚下者宜出財以佐軍如是則強國不犯之道也臣願與子男及臨菑習弩博昌習船者請行死之以盡臣節上賢之下詔曰朕聞報德以德報怨以直今天下不幸有事郡縣諸侯未有奮繇直道者也齊相雅行躬耕隨牧畜蕃輒分昆弟更造不爲利

惑日者北邊有興上書助官往年西河歲惡率齊人入粟
今又首奮雖未戰可謂義形於內矣其賜式爵關內侯黃
金四十斤田十頃布告天下使明知之

漢書本傳

雋不疑字曼倩勃海人也武帝末郡國盜賊羣起暴勝之
爲直指使者素聞不疑賢至勃海遣吏請與相見遂表薦
不疑徵詣公車拜爲青州刺史久之武帝崩昭帝卽位而
齊孝王孫劉澤交結郡國豪桀謀反欲先殺青州刺史不
疑發覺收捕皆伏其辜擢爲京兆尹

漢書本傳

朱邑字仲卿廬江舒人也舉賢良爲大司農丞遷北海太
守以治行第一入爲大司農

漢書循吏本傳

青州府志卷三十四

四

朱博字子元杜陵人也琅邪太守視事數年大改其俗治
郡常令屬縣各用其豪桀以爲大吏文武從宜縣有劇賊
及它非常博輒移書以詭責之其盡力有效必加厚賞懷
詐不稱誅罰輒行以是豪強懾服

漢書本傳

馮野王字君卿上黨潞人朔方刺史蕭育奏封事薦言野
王行能高妙內足與圖身外足以慮化拜爲琅邪太守

漢書

附馮奉世傳

趙貢涿郡蠡吾人成帝時爲琅邪太守有能名嘗行縣見
不其丞辭宣甚說其能從宣歷行屬縣還至府令妻子與

相見

漢書附辭宣傳

公孫閱平帝元始間爲琅邪太守時王莽柄政王惲等八人使行風俗還言天下風俗齊同詐造歌謠頌功德凡三萬言閱獨言災害於公府大司空甄豐遣屬馳至兩郡諷吏民而劾閱空造不祥嫉害聖政下獄死

以通鑑修

右傳舊志有毛萇謂武帝時舉賢良遷北海相案前漢書儒林傳但稱毛公不著其名爲河間獻王博士後漢書儒林傳始云趙人毛萇傳詩是爲毛詩其長字不從草隋書經籍志載毛詩二十卷漢河間太守毛萇傳始稱毛萇博物志毛公嘗爲北海太守而舊志稱北海相不知所本應闕疑又有楊彤崔篆彤見

青州府志卷三十四

五

漢書王商傳與篆皆仕莽故去之

東漢

李章字第公河內懷人也光武時千乘太守坐誅斬盜賊

過濫徵下獄免

後漢書酷吏本傳

董宣字少平陳留圉人也初爲司徒侯霸所辟舉高第累遷北海相到官以大姓公孫丹爲五官掾丹新造居宅而卜工以爲當有死者丹乃令其子殺道行人置屍舍內以塞其咎宣知卽收丹父子殺之丹宗族親黨三十餘人操兵詣府稱冤叫號宣以丹前附王莽慮交通海賊乃悉收繫劇獄使門下書佐水邱岑盡殺之青州以其多濫奏宣

岑宣坐徵詣廷尉在獄晨夜諷誦無憂色及當出屬具饌送之宣乃厲色曰董宣生平未嘗食人之

乎升車而去時同刑九人次應及宣光武馳使

原

宣刑且令還獄遣使者詰宣多殺無辜宣具以狀對言水

邱岑受臣旨意罪不由之願殺臣活岑使者以聞有詔左

轉宣懷令令青州勿案岑罪子竝爲郎中後官至齊相

後漢

書酷吏本傳

楊音臨淄令邑人江革負母逃難建武末與母歸鄉里鄉

里稱之曰江巨孝音高其行設特席顯異巨孝於稠人廣

眾中親奉錢以助供養

以後漢書江革傳注修

青州府志卷三十四

六

薛漢字公子淮陽人也永平中爲千乘太守政有異迹

後漢

書儒林本傳

王望字慈卿客授會稽自議郎遷青州刺史甚有威名是

時州郡灾旱百姓窮荒望行部道見飢者裸行草食五百

餘人愍然哀之因以便宜出所在布粟給其廩糧爲

衣事畢上言帝以望不先表請章示百官詳議其罪時公

卿皆以爲望之專命法有常條鍾離意獨曰昔華元子反

楚宋之良臣不稟君命擅平二國春秋之義以爲美

望懷義忘罪當仁不讓若繩以法忽其本情將乖聖朝愛

育之旨帝嘉意議赦而不罪

後漢書附劉平傳

魯恭字仲康扶風平陵人也 時以侍

東州多盜賊羣輩攻 諸郡 之恭到重

渠帥張漢等率支黨降恭上以漢補博昌尉其

捕擊盡破平之州郡以安弟丕字叔陵建初初以 令

擢青州刺史務在表賢明慎刑罰七年坐事下獄 以後漢書恭本

傳修

法雄字文彊扶風郿人也永初三年海賊張伯路等三千

餘人寇海濱九郡明年復與平原劉文河等攻厭次 黨

眾寔盛乃遣御史中丞王宗持節發幽冀諸郡兵合數萬

人乃徵雄爲青州刺史與王宗并力討之斬首溺死者數

青州府志卷三十四

七

百人餘皆奔走會赦詔到賊猶以軍甲未解不敢歸降宗

用雄言罷兵賊聞大喜乃還所略人復遁走遼東止海島

上五年雄率郡兵擊破之遼東人李久等共斬平之於是

州界清靜雄每行部錄囚徒察顏色多得情僞長吏不奉

法者皆解印綬去在州四年遷南郡太守 後漢書本傳

王龔字伯宗山陽高平人也世爲豪族初爲孝廉稍遷青

州刺史劾奏貪濁二千石數人安帝嘉之拜尚書子暘字

叔茂齊相以嚴明稱 以後漢書龔本傳修

李膺字元禮潁川襄城人也性簡亢無所交接初舉

爲司徒胡廣所辟舉高第再 青州刺史守令畏

風棄官

後漢書本傳

杜密字周甫潁川陽城人也為人沈質少有

徒胡廣所辟遷北海相其宦官子弟為令長有

捕案之行春到高密縣見鄭元為鄉佐知其異器即召署

郡職遂遣就學

後漢書本傳

陳蕃字仲舉汝南平輿人也太尉李固表薦徵拜議郎再

遷為樂安太守時李膺為青州刺史名有威政屬城聞風

皆自引去蕃獨以清績留郡人周璆高潔之士前後郡守

招命莫肯至惟蕃能致焉字而不名特為置一榻去則縣

之大將軍梁冀威震天下時遣書詣蕃有所請託不得通

青州府志卷三十四

八

使者詐求謁蕃怒笞殺之坐左轉修武令

後漢書本傳

黃琬字子炎江夏安陸人光和末太尉楊賜上書薦琬有

撥亂之才擢為青州刺史

後漢書附黃瓊傳

臧洪字子源廣陵射陽人也中平末領青州刺史

九州春秋袁紹

表洪領青州

前刺史焦和好立虛譽能清談時黃巾羣盜處處

颺起而青部殷實軍革尚眾和不理戎警眾遂潰散和亦

病卒洪收撫離叛百姓復安任事二年袁紹憚其能徙為

東郡太守

後漢書本傳

孔融字文舉魯國人孔子二十世孫也黃巾寇數州北海

為賊衝三府同舉融為北海相融到郡收合士民

馳檄飛翰引謀州郡賊張

二十萬

融逆擊爲饒所敗乃收散兵保

縣稍復鳩集

黃巾所誤者男女四萬餘人更置城邑立學校表顯
術薦舉賢良鄭元彭璆邴原等郡人甄子然臨孝存知
名早卒融恨不及之乃命配食縣社其餘雖一介之善莫
不加禮焉郡人無後及四方游士有死亡者皆爲棺具而
斂葬之在郡六年劉備表領青州刺史後漢書本傳
李燾青州刺史發璽書於本縣傳舍乘法駕駢驂朱軒就
路奏免四郡相百城 懼悉豫棄官謝後漢書
趙炎青州刺史有貴要屬託炎於聽事前置大 水發書

青州府志卷三十四

九

投置其中無有所報

華陽國志

右傳舊志有崔琦張宗陳俊琦臨濟長未之職宗俊
後漢書俱有傳宗琅邪相俊琅邪太守說見秩官表
又有營陵令應劭以城陽王本封朱虛并食此縣宜
常血食不禁其餘淫祠盡革案劭後漢應奉子見奉
傳仕至太山太守無爲營陵令之事附記於此以俟
博識者又 曰 蒙令案敷列後漢書黨錮傳
考司馬彪 國志蒙屬梁國秦碭郡九城蒙其一也
舊志蓋以蒙陰誤入耳又有臧 何夔曹操所
見秩官表

三國魏

王基字伯輿東萊曲城人也黃初中察孝廉除郎中

青土初定刺史王凌特表請基爲別駕後召爲秘書郎凌復請還頃之司徒王朗辟基凌不遣朗書劾州凌猶不遣

三國魏志本傳

桓會長沙臨湘人嘉平中以樂安太守與吳戰於東關軍

敗沒諡曰壯侯

三國魏志附桓傳

右傳舊志有臧霸何夔胡質說見秩官表有鍾毓青州刺史見三國志鍾繇傳無青州事不能立篇舊志謂以治蹟見稱無稽之言不敢從又有管統仕袁譚

青州府志卷三十四

十

爲樂安太守表已遺之又有王凌謂以不附司馬氏死案三國志凌本傳實以陰謀廢立事發而自殺又有刺史程喜見三國志管甯傳又見田豫傳舊志稱其知甯不仕曹氏而曲全之然甯不仕曹亦非必以喜而全而喜與田豫則近於詭道與凌皆入雜傳可也

晉

瓘字伯玉河東安邑人也泰始初都督青州諸軍事

刺史加征東大將軍青州牧有政績

晉書本傳

字伯武一名

春人也早厲志尙拜前

以蒙幼濫叨拔擢雖竭庸短懼忝先政帝曰汝既能有此

言吾不慮也

北齊書附清河王岳傳清

任城王湝神武第十子也少明慧武平初遷右丞相都督青州刺史湝頻牧大藩雖不潔已然寬恕爲吏人所懷五年青州崔蔚波等夜襲州城湝部分倉猝之際咸得齊整擊賊大破之拜右丞相轉瀛州刺史

北齊書本傳

房彥翊清河東武城人明辨有學識位殿中侍御史千乘

益都二縣令有惠政

北史附房法壽傳

右傳舊志南北朝有青冀二州刺史杜驥韓均魏青冀二州鎮歷城不得濫收有平昌太守崔景真青州

青州府志卷三十四

十六

刺史崔思祖案思祖乃祖思之誤南齊書南史皆有傳實青冀二州刺史景真其叔父也自宋明帝失淮北僑立青州於鬱洲齊梁爲青冀二州刺史治平昌亦青州部南齊版宇所不及也又有崔光伯見魏書崔亮傳曾爲青州別駕無事可述舊志詳其爲北海太守事魏北海郡治平壽於青州無涉今以別駕附其兄光韶傳可耳又有王神念梁青冀二州刺史李幼廉見北史李義深傳亦南青州刺史有劉善明說見職官表其誤之甚者又有崔肇師任燠蕭琅竇

炎

李可舉案肇師見北史其父亮傳天平初以通直散

騎侍郎爲慰勞青州使至齊州界爲土賊崔迦葉等
拘欲逼與同事肇師執志不動喻以禍福遂捨之仍
巡慰青部而還蓋奉使慰勞青州也舊志乃誤使爲
史輒稱刺史何也燠見三國志倉慈傳略曰魏郡太
守吳瓘清河太守任燠京兆太守顏斐宏農太守令
狐邵濟南相孔乂或哀矜折獄或誠惠愛或治身
清白或摘奸發伏咸爲良二千石裴注燠事行無所
見哀矜折獄四語亦不知何語當屬何人舊志乃舉
以贊燠且職官表旣列之三國非不知其爲魏人者
而名宦傳又廁之劉宋申恬杜驥之間何乃舛誤至

青州府志卷三十四

十七

此燠實樂安人應入此志人物傳而事行失考不能
立篇姑附論於此琅隋千乘令後爲青州刺史見澠
水讌談錄炎唐北海令見唐書地理志可舉唐高苑
主簿以平盧節度使康志睦言受其管內之官正史
無徵唐書李可舉有傳亦非其人應俟再考然於南
北朝皆風馬牛不相及耳

隋

吐萬緒字長緒代郡鮮卑人也高祖受禪拜襄州總管尋

轉青州總管頗有治名

隋書
本傳

蕭琅字大珍南蘭陵人南梁裔文帝時爲千乘令明習憲

章懋德著績故民篤信之邑有蛇爲妖常掠犬豕於道爲民患聞琅至輒潛匿井中不復出後琅擢青州刺史行二十里蛇復出百姓奔告琅以衣冠付之曰若不卽除吾當復來一日蛇方張吻伺人於道亟擲以衣冠蛇驚伏入井於是投衣冠於井中輦土石堙之而建祠於其上肖琅之像曰信公祠蓋民慮患甚欲公示以信也歿於官

澗水燕談錄

萬姓統譜琅千乘縣尹明習憲章碩德著績有惠愛篤信在民民立祠祀之諡曰信公

右傳舊志有張須陀齊郡丞遷齊郡通守隋書有傳案青州自漢至齊周皆置齊郡開皇初廢大業初置

青州府志卷三十四

十八

北海郡領益都臨淄千乘博昌壽光臨朐都昌北海營邱下密十縣白隋至宋皆曰北海無齊郡之名齊州舊置濟南郡開皇初廢大業初州廢復爲郡曰齊郡領歷城祝阿臨邑臨濟鄒平章邱長山高苑亭山淄川十縣舊志載須陀追王簿至臨邑臨邑正屬齊郡於青州無涉

唐

尹思貞京兆長安人神龍初爲青州刺史治州有績蠶至歲四熟黜陟使路敬潛至部歎曰是非善政致祥乎表言之睿宗立召授將作大匠封天水郡公思貞前后爲刺史

十三部其政皆以清最聞

新唐書本傳

劉允濟字允濟河南鞏人舉進士除青州長史有清白稱

新唐書附李適傳

竇炎長安中爲北海令於營邱故城東北穿渠引白狼水

曲折三十里以溉田號竇公渠

以新唐書地理志注修

侯希逸營州人天寶末爲州裨將守保定城安祿山反使中人韓朝敷傳命希逸斬以徇祿山又以親將徐歸道爲節度使希逸率兵與安東都護王元志斬之遣使上聞詔拜元志平盧節度使元志卒副將李正己殺其子共推希逸有詔就拜節度使兼御史大夫與賊确數有功然孤軍

青州府志卷三十四

十九

無援又爲奚侵掠乃拔其軍二萬浮海入青州據之平盧遂陷肅宗因以希逸爲平盧淄青節度使自是淄青常以平盧冠使

新唐書本傳

劉敬和德宗時嘗歷鄒平淄川長山三縣令後徙高苑縣治有碑略云歲饑開倉振濟就食者皆活之民歌曰高苑之樹枯復榮淄川之水渾復清長白之山草復青鄒平之民仆復行

舊志縣志又見山東通志

康志睦字得眾靈州人資趨偉工馳射以御史大夫進平盧軍節度使李同捷反放兵略千乘志睦挫其銳不得逞

遂下蒲臺盡奪其械加檢校尚書左僕射

新唐書附康日知傳

薛平絳州萬泉人元和末以淄青齊登萊五州爲平盧軍以平爲節度觀察等使王庭湊圍牛元翼於深州棣州爲賊所窘朝廷乃委平以偏師援棣州平卽遣將李叔佐以兵五百救之居數月刺史王稷餽給稍薄兵士怨怒宵潰而歸仍推突將馬狼兒爲帥行及青城鎮劫鎮將李自勸并其眾次至博昌鎮復劫其鎮兵共得七千餘人徑逼青州城城中兵士不敵平悉府庫並家財募二千精卒逆擊之賊眾惶惑反顧因大敗狼兒亦就戮脅從者放歸田里詔加右僕射進封魏國公由是遠近畏服平之威略在鎮六周歲兵甲完利井賦均一至是人覲百姓遮道乞留數

青州府志卷三十四

二十

日乃得出時人以爲近日節制罕有其匹

舊唐書本傳

王承元契丹人太和五年以義成軍節度使徙節平盧淄青始鹽禁未嘗行兩河承元請歸有司由是兗鄆諸鎮皆

奉法承元資仁裕所至愛利

新唐書本傳

劉康乂昭宗時爲密州刺史天復三年淮南將王茂章會

王師範弟萊州刺史師誨攻密州拔其城康乂死之

以通鑑修

李仁字成已滄州東光人任淄州高苑縣令縣治有碑稱其公魚鹽之利委俸祿之餘變斥鹵爲膏腴化畋漁爲紡

績開建鬻宮誘進生徒云

舊志縣志

右傳舊志有鄧景山劉元佐唐書皆有傳景山青齊

節度使治鄆州元佐淄青兗鄆招討使非州郡專命之官有劉仁軌稱其卓有善政而唐書本傳無此語有此海太守趙居貞稱其文章政事爲時所稱居貞僅以雲門山投龍詩見收於全唐詩無從知其文章政事有青州刺史王昕稱其濟物利人綽有能聲昕見齊乘堯山下但云唐開元三年青州刺史王昕碑亦云堯山者齊記謂堯巡狩所登未嘗及其治蹟舊志於古人之正史無傳者往往加以評鷺之詞前言往行無所考見存之無徵削之不可故略其傳而記其語於此又有李邕舊唐書文苑傳天寶初出爲汲

郡北海二郡太守新唐書同太平廣記引宣室志開元二十七年江夏李邕爲臨淄守與唐書異案唐書地理志天寶元年改齊州爲臨淄郡自當有臨淄太守今臨淄從未爲郡自隋以來爲北海屬縣官其地者不應稱守也杜工部有陪李北海宴歷下亭詩全唐詩注天寶初李邕爲北海太守歷下亭在齊州以歷山得名又有同李太守登歷下古城員外新亭詩全唐詩新亭下有亭對鵲湖四字又工部八哀詩李公邕一首云伊昔臨淄亭酒酣託末契此可見宴歷下亭時邕實守臨淄郡非北海太守矣然唐書本傳

謂邕雖拙不進而文名天下時稱李北海蓋郡縣之名好爲古稱天下古今人同此習氣或以臨淄隸隋北海遂以北海加邕習焉不察而史亦沿其誤耳不然工部豈不知歷下非北海者而宴歷下亭詩旣稱陪李北海八哀詩又何以稱臨淄亭乎況唐書於臨淄一地每多舛謬如房元齡傳稱爲齊州臨淄人齊州安得有臨淄卽云天寶改濟南爲臨淄郡然實廢州爲郡有臨淄卽無齊州乃云齊州臨淄人邪由是觀之則邕之稱北海太守亦未必非因改濟南爲臨淄而誤也惟宣室志開元二十七年邕爲臨淄守與

唐書天寶初不同或者自開元末卽爲濟南守及改臨淄尙爲此官而宣室志輒以後改郡名屬之邪或疑之日李林甫忌邕傳以柳勣罪就郡杖殺之故八哀詩有坡陀青州血蕪沒汶陽瘞二語邕似實爲北海太守者不知濟南本古青州地濟南郡漢晉宋皆屬青州詩中地名無妨用古又何疑焉然相傳旣久仍用正史於職官表列邕爲北海太守去其傳而附論於此

後梁

王重師許州長社人也秦宗權陷許州重師脫身歸梁從

太祖苦戰齊魯間王師範降表重師青州留後累遷佑國
軍節度使同中書門下平章事居數年甚有威惠

五代史
梁臣本

傳

王檀字眾美京兆人也少事梁太祖爲小校梁兵攻王師

範檀以一軍破其密州拜密州刺史

五代史
梁臣本傳

後晉

馬允卿仕晉爲青州刺史遼兵至堅守不降城破被執遼

主義而釋之

舊志

後漢

李壽長仕漢爲青州刺史歷他郡州縣政治優劣比以上

青州府志卷三十四

二十三

聞嘗曰東家之貓不忍西家之有鼠時多稱之

舊志

右傳舊志有顏衍梁北海主簿衍後仕周歸宋入雜

傳又有劉蟠漢益都主簿稱其清介寡合蟠宋史有

傳仕至水陸轉運使其爲漢益都主簿時無清介寡

合之稱入秩官表可耳